

Kasano a malapdan ti itataud ti "Aflatoxin"?

PANAGPATANOR

- Agusar kadagiti bin-i a naresistensiya ti sakit ken peste.
- Taripatueng a nasayaat dagiti mula.
- Agabono ti umno ken agpadanum no kasapulan.

BAYAT TI PANAGBURAS

- Burasen laeng no naan-anayen ti panakagango ti mais.
- Agusar ti sako wenno balulang ken liklikan ti kontaminasyon ti bukel ti daga.
- Agburas laeng no nasayaat ti tiyempo.
- Saan a bay-an a matudduan ti binuras.

BAYAT TI PANAGBILAG

- Dalusan a naimbag ti pagbilagan
- Kasapulan a pada-pada ti pannakabilag agingga nga maabot ti 14%C Moisture Content (MC).
- Nasaysayaat no agusar ti Mechanical Dryer no panawen ti matutudo.
- Payangyangan a naimbag sakbay a mapusi.
- Siguraduen a mabilag a dagus ti mapusi.

PALAGIP:

Ti panagidulin, manteneren ti kinadalus ken kinamaga ti pagipempenan tapno maliklikan ti dadduma pay a peste.



Produced By:

AGRIPINOY CORN PROGRAM
Contact No.: (078) 844-8742
Email add: corn_darfu02@yahoo.com

AGRICULTURAL COMMUNICATION SECTION
Contact No.: (078) 304-0562
Email add: da_agcom@yahoo.com/
erbanares@yahoo.com

DEPARTMENT OF AGRICULTURE
REGIONAL FIELD OFFICE NO. 02
Nursery Compound, San Gabriel, Tuguegarao City, Cagayan, 3500
Telefax Nos: (078) 844-1031/846-9131
Email address: da_rfu2000@yahoo.com


Revised Edition
June 2012



DEPARTMENT OF AGRICULTURE
Regional Field Office No. 02
Tuguegarao City, Cagayan

AFLATOXIN

*ti nailimed a
sabidong
nga aggapu
iti binuot a mais*



AFLATOXIN



Ania ti "AFLATOXIN"?

- Sabidong dagitoy a patauden dagiti buot kadagiti taraon wenno pagpakan ti dinguen. Adda lima a klase dagitoy a sabidong ngem ti "Aflatoxin" ti kalatakan ken kadaksan.

Sadino a masarakan dagitoy ?

- Tumaud kadagiti binuot a produkto ti talon kas kadagiti mais, trigo, mani, copra, kamoteng kahoy, ken dadduma pay.
- "Aspergillus flavus" ti partikular a klase ti buot a makagapu ti "aflatoxin".

Apay a nakabutbuteng ?

- No kanayon a maakakaan ti taraon nga addaan ti Aflatoxin, makaigapu daytoy ti kanser ti dalem wenno bato, kasta met ti sakit nga "Aflatoxicosis".
- Panggappuan pay daytoy ti allergy ti kudil, irritasion ti bara ken pannakasabidong, no malang-ab ti tapok wenno maisagid ti bagi.

Ket ti epekto met kadagiti taraken nga dinguen dagiti sumaganad:

Kadagiti Manok

- Nabayag a dumakkel ken dumagsen.
- Nakapuy nga umitlog.
- Nakapuy ti resistensiyana.
- Nababa ti kabalanna nga agukop ken nalaka a mabuong ti itlog dagitoy.
- Apektado ti dalemna ken kidney; ken
- Mabalina a daytoy ti ipatayda.



Kadagiti Baboy

- Nalag-an ti timbang
- Awanan ganas a mangan wenno isaruana ti kanenna.
- Nakapsut ti resistensiyana.
- Apektado ti dalem ken kidney.
- Bassit ti maiyanak, adda dagiti depekto ken adda maiyanak a natay no dadduma.
- Agtakki.



Kadagiti Baka

- Nalag-an a timbang
- Nakapsut nga agpagatas
- Nakapsut a mangan
- Apektado ti dalem ken mabalina a mabaog.
- Addaan pay "aflatoxin" ti gatasda.



Kasano ti panagtaud ti "Aflatoxin" iti Mais ?

- Pannakailaok ti tapok wenno daga ken dadduma pay a rugit a pakaigappuan ti panagbuot daytoy no nabasa wenno nadam-eg.
- Pannakarumek ti binukel.
- Pannakaitantan ti panagpamaga kalpasan ti panagpusi.
- Saan a nasayaat a panagibilag ken kurang ti bilagna a maidulin.

Kasano a maamuan no adda "Aflatoxin"?

- No lumitem wenno ngumisit dagiti bukel ti mais
- Nabunglog ti angotna
- Babaen ti "Chemical Analysis"

